

Uunga siunnersuut:

**Illuliortiternernut aningaasalersuineq pillugu inatsisip allanngortinnissaa pillugu
Inatsisartut Inatsisaat**

(Tulleriaarinissamut uppernarsaaneq, sanaartortitsinernut naatsorsuutit, kaaviiartitsinissamut
inerteqqut, piffissaq sioqqullugu taarsigassarsianik akiliineq il.il.)

§ 1

Illuliortiternernut aningaasalersuineq pillugu Namminersorlutik Oqartussat inatsisaat nr. 14, 24. marts 2023-meersoq Illuliortiternermut aningaasalersuineq pillugu Inatsisaatigut nr. 28, 13. juni 2023-meersutigut allanngortinneqartoq naapertorlugu Illuliortiternernut aningaasalersuisarneq pillugu inatsimmi nr. 39, 23. november 2017-imeersumi makku allanngortinneqarput:

1. § 1, imm. 2 imatut oqaasertalerneqarpoq:

” *Imm. 2. Inissianut piginnittumiit imaluunniit attartortumiit taassumalu inoqutigiivinit najugassap aammalu aalajangersimasumik najugaqarfissap saniatigut siunertanut allanut tamakkiisumik ilaannakortumilluunniit atorneqartussanut eqqarsaataasunulluunniit taarsigassarsitsisoqarsinnaananilu tapiissuteqartoqarsinnaanngilaq. Taamaattoq inuussutissarsiutit annikinnerusut namminersorfiusut piginnittumit imaluunniit attartortumit taassumalu inoqutigiivinit ingerlanneqartut mininneqarput.*”

2. § 11-p kingorna manna ilanngunneqassaaq:

” **§ 11 a.** Inissiaq qularnaveeqqusiullugu taarsigassarsiat allanngortinneqarneranni aammalu piginnittut nikisinneqaratik tamanna pisimappat kommunalbestyrelsi taarsigassarsiaareersunut inissiap niuerfinni nalingata pisortani taarsigassarsiarineqartut inissiami qularnaveeqqusiinikkut qularnaarneqartut 90 %-iannik annerpaamik ilanngaaffiginerinut ataqqinninnermut tulleriaarinermullu uppernarsaasinnaavoq. Taamaattoq inissianut ukiut 20-t sinnerlugit pisoqaassusilinnut tunngatillugu taarsigassarsiaareersut inissiap niuerfinni nalingata 80 %-iannut annertussusilerneqarsinnaapput, matumani inissiami qularnaveeqqusiinikkut pisortani taarsigassarsiarineqartut inerneranni ilanngaateqarnikkut.

Imm. 2. Kommunalbestyrelsip ataqqinninnissamut tulleriaarinermullu uppernarsaanissaani inissiami akiligassanngortunut allanut kingusinnerusukkullu akiligassanngortunut assinganik nukingisaarinissamut uppernarsaasoqarnissaanik piumasaqarfiupput.

Imm. 3. Inissiap pisoqaassusaa illumummut atuinissamut akuersissutaaggallartumut ulluliunneqartoq atorlugu naatsorsorneqassaaq.

Imm. 4. Inissiap massakkut niuerfinni nalinga illuutinut nalilersuinerit marluk aguaqatigiissitsinermut tunngasut illuutinut sullisisartunit ilisimasalinnit suliarineqartut

atorlugit naatsorsuiffigineqassaaq, taakkualu illuutit aalaakkaasut najugaqarfissatut pisiarisernerannut tuniniartarnerannullu suliaqassapput. Illuutinut nalilersuinerit piumasaqaatit pisarneq malillugu atorneqartut malillugit aamma nangaassuteqarnani, piumasaqaateqarnani imaluunniit inniminniinani aammalu piffissap qaammatit 3-6 iluani tunineqarsinnaanissaat naatsorsuutigalugu aningaasat atorlugit tunisinertut sularineqassapput. Illuutinut nalilersuinerit ataqqinninnissamut tulleriaarinissamut uppermarsaanissamut qinnuteqaatit sioqqullugit kingusinnerpaamik ullut qaammatisiuteqarfiusut 30-t qaangiutsinnagit sularineqareersimassapput.”

3. § 12, imm. 1 nr. 5 ima oqaasertalerneqassaaq:

”5) Inissiaq taarsigassarsisumut imaluunniit attartortumut taassumalu inoqutigiivinut najugaqarfissatut aammalu aalajangersimasumik najugassatut atornagu siunertanut allanut tamakkiisumik ilaannakortumilluunniit atorneqassaaq. Taamaattoq inuussutissarsiutit mikinerusut namminersortut taarsigassarsisumit imaluunniit attartortumit taassumalu inoqutigiivinit ingerlanneqartut mininneqarput.”

4. § 18, imm. 1, nr. 4 ima oqaasertalerneqassaaq:

”4) Inissiaq taarsigassarsisumit imaluunniit attartortumit taassumalu inoqutigiivinit najugaqarfiginagu aalajangersimasumillu najugaqarfiginagu siunertanut allanut tamakkiisumik ilaannakortumilluunniit atorneqarsimappat. Inuussutissarsiutit mikinerusut namminersortut taarsigassarsisumit imaluunniit attartortumit taassumalu inoqutigiivinit ingerlanneqartut taamaattoq mininneqarput.”

5. § 24, imm. 1, nr. 4 ima oqaasertalerneqassaaq:

”4) Inissiaq taarsigassarsisup imaluunniit attartortup taassumalu inoqutigiivinut najugassatut aalajangersimasumillu najugaqarfissatut atornagu siunertanut allanut tamakkiisumik ilaannakortumilluunniit atorneqassaaq. Inuussutissarsiutit mikinerusut namminersortut inissiamik piginnittumit imaluunniit attartortumit taassumalu inoqutigiivinit ingerlanneqartut taamaattoq mininneqarput.”

6. § 27, imm. 1, nr. 6 ima oqaasertalerneqassaaq:

”6) Qinnuteqartup inuup normua, CVR-normua, najugaqarnermut uppermarsaataa imaluunniit uppermarsaat alla kinaassutsimik erseqqissumik takutitsisoq.”

7. § 33 imm. 1-p kingorna immikkoortutut nutaatut ilanngunneqassaaq:

”*Imm. 2.* Sanaartukkanut naatsorsuutini aningaasartutit tamarmiusut sananermut, iluarsaanermut, pitsangorsaanermut alliliinermulluunniit atassutillit ilaatinneqassapput. Sanaartukkanut naatsorsuutit kukkunersiusartumit nalunaarsorneqartumit, kukkunersiusumit naalagaaffimmit akuerisaasumit imaluunniit Kalaallit Nunaanni aningaaserivimmit uppermarsarneqarsimassapput.”

Imm. 2 tamatuma kingorna imm. 3-nngussaaq.

8. § 33-p kingorna ilanngunneqassaaq:

” **§ 33 a.** Kommunalbestyrelsi § 33 apeqqutaatinnagu taarsigassarsiat kapitali 3-4-mi ilaasut tamakkiisumik ilaannakortumilluunniit ingerlaavartumik tunniuttarnissaanut aalajangiisinhaavoq aamma sulismanermut atortussanullu tunniunneqartartut sanaartortitsisartumit akiligassiissutit naleqqussarnissaannut tunngatillugu. § 34 allanngornani atuutiinnassaaq.

Imm. 2. Akiligassiissutip akilerneqarnissaa pillugu piumasaqarneq taarsigassarsisumit aamma sanaartugassanik suliassineqartartumiit uppermarsaammik atsiukkamik ilallugu kommunalbestyrelsimit nassiunneqassaaq, tassanilu sulinerit atortussallu akiligassiissutitallit suliarineqarsimancerannut sanaartorfimmullu tunniunneqarsimancerannut sanaartortitsisartumit uppermarsaaneq ilanngunneqassaaq.

Imm. 3. Taarsigassarsisoqarnissaanut neriorsuutip suliarinera ilanngullugu suliarineqareerpat taarsigassarsisoq piaartumik aamma piffissaliussaq kommunalbestyrelsimit aalajangersagaq nallertinnagu uppermarsaatissanik § 33-mut ilaasunik pisariaqartinneqartunik nassiussissaaq.

Imm. 4. Imm. 3 naapertorlugu piffissaliussaq qaangerneqarsimappat taarsigassarsiat ingerlaannartumik akiligassanngortinnejassapput.

Imm. 5. Kommunalbestyrelsip immikkut pisoqarsimatillugu imm. 3 malillugu piffissaliussaq aalajangersarneqartoq sivitsuiffigisinnaavaa.”

9. § 35, imm. 5 ima oqaasertalerneqassaaq:

” *Imm. 5.* Imm. 2-4 malillugit inissiap annertussusaata naatsorsuiffiginerani inissiami majuartarfinnut ilanngaateqartitsisoqassanngilaq. Torsusat, majuartarfiit majuartarfiillu sangoriaat ataatsimoorussat, illup silammut iigaasa iluini inini kiassakkani inissisimasut angissusaannut naapertuuttumik uuttortaanermut ilanngunneqassapput, taamaattorli annerpaamik 11 kvadratmeterinik annertussusilerneqassallutik.”

10. § 35-mi imm. 6-itut ilanngunneqassaaq:

” *Imm. 6.* Naalakkersuisut sanaartornermi iluserineqartut tulluartippassuk imaluunniit pisariaqartippassuk inissiap annertussusaanut imm. 2-5-imut saneqqutsisut naatsorsuiffiginissaannut akuersissuteqarsinnaapput.”

11. § 37 imatut oqaasertalerneqassaaq:

” **§ 37.** Taarsigassarsianut inissiat nutaat sanaartornissaannut tunniunneqartunut taarsigassarsisup piffissaq sioqqullugu akiliinerani akiitsunut sinneruttut qinnuteqarfiusumut kingullermik atuisunut akit naleqqersuutaanni qaammatini 12-ini allanngortumi 1 procentpointimik ilallugu kingullermik Naatsorsueqqissaartarfimmi naatsorsuiffiginera atorlugu qinnuteqarnerup aallartiffianut naapertuuttumik kingumut akiligassanngortinnejassapput. Akiitsut sinneri taarsigassarsisup allakkatigut inaarilluni

akiliinissaq pillugu noqqaaneraniit aamma taarsigassarsiani piffissamut ernialersuiffiunaniilu akilersuiffiusussaanngitsumut sinneruttumut kingumut naatsorsorneqassapput, taamaattorli taarsigassarsiat tunniunneqarneranniit siusinnerpaamik ukiunut tallimanut.”

12. § 37-ip kingorna kapitali 6-im i lanngunneqassaaq:

” **§ 37 a.** Namminersorlutik Oqartussanut nunatsinnilu kommuuninut qularnaveeqqusiussaqarluni taarsigassarsitsinermut uppernarsaat aamma akiitsunut uppernarsaat illuliortiterneq pillugu Inatsisartut inatsisaat manna imaluunniit siusinnerusukkut inatsisaasut naapertorlugit tunniunneqartut kaaviiartitsinermut, qularnaveequtitut imaluunniit akiliisitsisussamit malersorneqarnissamut atorneqarsinnaanngillat.”

§ 2

Inatsisartut inatsisaat ulloq 1. januar 2025 atuutilissaaq.

Imm. 2. Inatsisartut inatsisaanni Illuliortiternermut aningaasalersuisarneq pillugu Inatsisartut inatsisaat imaluunniit illuliortiternermut aningaasalersuisarnerit pillugit siusinnerusukkut inatsisaasimasut naapertorlugit taarsigassarsiat pioreersut Naalakkersuisunit kommunalbestyrelsimiillu tunniunneqartut ilaapput, taamaattoq imm. 4 takuuk.

Imm. 3. Inatsisartut inatsisaanni Illuliortiternernut aningaasaliisarneq pillugu Inatsisartut inatsisaat imaluunniit illuliortiternernut aningaasalersuisarneq pillugu siusinnerusukkut inatsisaasimasut naapertorlugit ulloq 1.januar 2025 sioqqullugu taarsigassarsinissamut neriorsuinerit Naalakkersuisunit kommunalbestyrelsimiillu nalunaarutigineqartut pioreersut ilaapput.

Imm. 4. Taarsigassarsiat allannguutissatut siunnersuutip atuutilernissaa sioqqullugu siusissukkut akilersinniarnissaat pillugu qinnuteqaat § 37 atuussimasoq tunngavigalugu suliarineqassaaq aalajangiiffiqineqarlunilu, taamaattoq ukiut tallimat aatsaat qaangiutereernerisigut.

Namminersorlutik Oqartussat, ulloq xx.xx xxx

Naalakkersuisut Siulittaasuat